



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Archiepiscopo Et Svcffraganeis Terraconensis Ecclesiæ.

urn:nbn:de:hbz:466:1-20020

indubitanter certifico quod omnes prædictos articulos compositionis inter me & Portugalensem Episcopum factæ admitto gratanter & approbo, & promitto firmiter me in omnibus & per omnia sine dubio fieri deliter servatum. Si vero, quod Deus avertat, à die qua ipse intraverit super his quæ inventa non fuerint in episcopatu tentio aliqua de restitutione facienda emerserit, concedo ei securitatem bona fide & hominibus atque rebus ejus eundi & redeundi ad vos, quotiens voluerit, pro sua justitia super restitutione illorum quæ defuerint consequenda.] Nulli ergo omnino hominum liceat hanc paginam nostræ confirmationis infringere, vel ei ausu temerario contrarie. Si quis autem hoc attentre presumperit, indignationem omnipotentis Dei & beatorum Petri & Pauli Apostolorum ejus se noverit incursum.

Datum Laterani III. Idus Maij, pontificatus nostri anno tertiodecimo.

*D V R A N D O D E O S C A ,
& Wilhelmo de S. Antonino, eorumque
fratribus in fide catholica permanentibus.*

*Epiſt. 77.
De negotio
Durandi de
Osca & locio-
rum.
Vide ſupradicta
epiſt. 63. & intra-
epiſt. 78. 94.*

CVM à nobis petitur quod justum est & honestum, tam vigor æquitatis quam ordo exigit rationis ut id per sollicitudinem officij nostri ad debitum perducatur effectum. Eapropter, dilecti in Domino filij, vestris justis postulationibus grato concurrentes affensu, auctoritate praesentium inhibemus ut nullus vobis qualibet violentia vel surreptionis aftutia in Præpositum præferatur nisi quem vos cum consilio diocesanii Episcopi, virum quidem idoneum, in fide recta, fana doctrina, & honesta conversatione probatum, duxeritis eligendum. Nulli ergo omnino hominum liceat hanc paginam nostræ inhibitionis infringere vel ei &c. usque incursum. Datum Laterani III. Idus Maij, pontificatus nostri anno tertiodecimo.

*ARCHIEPISCOPO ET SVFFRAGANEIS
Terraconensis Ecclesiæ.*

*Epiſt. 78.
De eadem re.*

CVM inæstimabile pretium sanguinis Iesu Christi teneamus in animabus redemptis ex injuncto nobis apostolatus officio custodiare, non solum veraciter penitentibus clementer impendere veniam nos oportet, verum etiam pertinaciter delinquentes instanter ad penitentiam provocare, ne si vel his paternam consuetudinem, vel illis sollicitudinem subtraxerimus pastoralem, tot videamur ejusdem pretij redemptioni subtrahere quo in sal-

vatione ipsius nostra potuissemus vigilantia conservare. Quapropter venientes dudum ad apostolicam fidem dilectos filios Durandum de Osca & Guillelmum de sancto Antonino & Iohannem de Narbona & Ermengaudum & Bernardum Biterrenses & Raymundum de sancto Paulo & Elbinum ac socios eorum paterna benignitate suscepimus, & ea quæ nobis tam pro se quam pro fratribus suis exponere curaverunt pleno concepimus intellectu. Ex his ergo quæ nobis de articulis fidei & sacramentis Ecclesiæ diligenter examinati dixerunt cognovimus eos fidem sapere orthodoxam & catholicam astruere veritatem. Ad majorem tamen expressionem, appositis evangelii, & scripto confessionis eorum inposito super illa, recepimus ab eis hujusmodi juramentum. Ego, inquit Durandus de Osca &c. ut ſupradicta lib. XI. epiſt. CXCVI. Scriptum autem confessionis eorum est talis. *Pateat omnibus fidelibus &c.* ut ſupradicta paucis mutatis, quæ illic adnotata sunt in margine, usque Ecclesiæ debitas perfolvendo. Nos igitur habito fratrum nostrorum consilio, per apostolica vobis scripta mandavimus ut recepto à ceteris fratribus simili juramento, reconciliaretis eos ecclesiasticæ unitati, & denuntiaretis eos verè catholicos ac recte fideles, in praescriptis & aliis ipsis secundum Deum ab omni scandalo & infamia servantes immunes, & in litteris testimonialibus & aliis adminiculis ipsos propter Deum misericorditer juvare. Quia vero, sicut accepimus, occasions prætextu quod mandatum hujusmodi communiter suscepisti, ad reconciliationem illorum qui sub praescripta forma reconciliari Ecclesiæ poposcerunt nondum à vobis fuit processum, uno se per alium excusante, quia de caufa multi qui humiliter petierunt intrare, haec tenus remansisse foras Ecclesiæ afferuntur, nolentes, sicut etiam nec velle debemus, ut qui trahi gratia divina creduntur, per duritiam vestrarum ab infinita Dei misericordia repellantur, fraternitatibus vestrarum per apostolica scripta mandamus & districte præcipimus quatinus si non omnes his exequendis potuerint interfesse, tu, frater Archiepiscopo, cum quilibet aliorum constitutos in Terraconensi provincia hujusmodi penitentes juxta praescriptam formam appellatione remota reconciliare procures, circa præfatum Durandum de Osca & Guillelmum de sancto Antonino ac eorum socios secundum præmissum mandatum nihilominus procedendo, eis autem in fide recta & fana doctrina

manentibus exhortandi licentiam tribuen-
tes competentibus horis & locis. Datum
Laterani i.v. Idus Maij, anno tertiodecimo.

*In eandem modum scriptum est Archiepiscopo
& suffraganeo Ecclesiae Narbonensis. Datum
ut in alia per totum.*

PRIORI ET CANONICIS
sanctae Catharinae Waterfordensis.

Epi. 29.
Recipiuntur
ab protectione
et spoliatione
fidelium
victimamque.

CVM à nobis petitur quod justum est
& honestum, tam vigor æquitatis
quam ordo exigit rationis ut id per follici-
tudinem officii nostri ad debitum perduca-
tur effectum. Eapropter, dilecti in Domi-
no filij, vestris justis postulationibus grato
concurrentes assensu, Ecclesiam sanctæ
Catharinae Waterfordensis & personas ibi-
dem Domino famulantes, cum omnibus
bonis quæ in præsentiarum rationabiliter
possider, aut in futurum justis modis paf-
tante Domino poterit adipisci, sub beati
Petri & nostra protectione suscipimus. In
primis siquidem statuentes ut ordo canoni-
cus, qui secundum Deum & beati Augu-
stini regulam atque institutionem fratrum
domus sancti Victoris Parisiensis in eodem
loco institutus esse dinoscitur, perpetuis
ibidem temporibus inviolabiliter observe-
tur. Specialiter autem insulam extra mu-
ros Waterfordie, in qua sita est Ecclesia
ipsa, cum omnibus pertinentiis suis, Ec-
clesiam de Kiloteran cum omnibus perti-
nentiis suis, Ecclesiam de Inesbrie cum
Killolonan & una carrucata terræ ac aliis
pertinentiis suis, Ecclesiam de Kilcronete
cum omnibus pertinentiis suis, Mulloch-
pissi cum omnibus pertinentiis suis, Eccle-
siam de Ballicherechan cum omnibus per-
tinentiis suis, Ecclesiam de Fidum cum
omnibus pertinentiis suis, Ecclesiam de
Kilmedimoc cum omnibus pertinentiis suis,
& omnia ecclesiastica beneficia de Odaga-
tha Omilum cum omnibus pertinentiis suis,
& unam piscariam in Odagatha Omilio,
& duas piscarias apud Fidum, & unum
meuagium cum horto suo, & quandam
terram apud Inesbrie ad grangiam con-
struendam, quam nobilis vir Helias filius
Normanni pia vobis liberalitate concessit,
sicut in ipsius authentico plenius contine-
tur, & Capellam de Radlathgenam cum
pertinentiis suis, & unum meuagium cum
sex acris terræ, & duo curtigia inter
insulam & muros Waterfordie, sicut ea om-
nia justæ ac pacifice possidetis, vobis & per
vos Ecclesiae vestreæ auctoritate apostolica
confirmamus & præsentis scripti patroci-
nio communimus. Nulli ergo omnino ho-

Tom. I I.

minum liceat hanc paginam nostræ pro-
tectionis, constitutionis, & confirmationis
infringere, vel ei ausu temerario contraire.
Si quis autem hoc attentare præsumperit,
indignationem omnipotentis Dei & beato-
rum Petri & Pauli Apostolorum ejus se no-
verit incursum. Datum Laterani i.i.
Idus Maij, anno tertiodecimo.

H V G O N I R A Y M V N D I
Canonico Ebredunensi.

CVM M. mulier Bononiensis, que te
in præsentia dilecti filij nostri Gual-
fanctæ Mariæ in Portico Diaconi Cardina-
lis, quem ipsi & tibi concessimus auditio-
rem, petebat in virum, tandem post al-
tercationes multiplices coram venerabili
fratre nostro Tufculano Episcopo libera
& spontanea voluntate continentia votum
emiserit, & tu militaturus Domino in cle-
ricali proposueris ordine permanere, à no-
bis humiliter postulasti ut tibi super hoc
paterna dignaremur in posterum sollicitu-
dine providere. Volentes igitur quieti &
honestati tuae de consueta sedis apostolicæ
providentia praecavere, tam votum mulie-
ris prædictæ quam propositum tuum gra-
tum habentes & ratum, & cùm pro ma-
trimonio, quod te secum contraxisse dice-
bat, nihil coram auditore probaret, te ab
impitione absolventes ipsius, ne occasio-
ne hujusmodi matrimonij molesteris ul-
terius ab eadem, auctoritate apostolica inhi-
bemus. Nulli ergo omnino hominum li-
ceat hanc paginam nostræ inhibitionis in-
fringere vel ei ausu &c. Si quis autem
hoc &c. usque incursum. Datum Latera-
ni i.v. Nonas Iunij, anno tertiodecimo.

Epi. 30.
Abolitur ab
impitione
cojudicata mu-
licetis.

R O B E R T O A B B A T I
Monasterij sancti Martini Troarnensis,
ejusque fratribus tam præsentibus quam fu-
turiis regularem vitam profallis in perpetuum.

QVOTIENS à nobis petitur quod reli-
gioni & honestati convenire dinos-
citur, animo nos decet libenti concedere,
& potentium desideriis congruum suffra-
gium impertiri. Eapropter, dilecti in Do-
mino filij, vestris justis postulationibus cle-
menter annuius, & præfatum monaste-
rium sancti Martini de Troarno, in quo
divino estis obsequio mancipati, sub beati
Petri & nostra protectione suscipimus &
præsentis scripti privilegio communimus.
In primis siquidem statuentes ut ordo mo-
nastricus, qui secundum Deum & beati Be-
nedicti regulam in eodem monasterio insti-
tutus esse dinoscitur, perpetuis ibidem

Epi. 31.
Recipiuntur
ab protectione
et spoliatione
fidelium
victimamque.

LII jj